

晉

書

料

注

晉書斟注卷八十一

錢塘吳士鑑

同注

烏程劉承幹

列傳第五十一

王遜

王遜字邵伯魏興人也仕郡察孝廉爲吏部令史轉殿
中將軍累遷上洛太守私牛馬在郡生駒犢者秩滿悉
以付官云是郡中所產也文選王文憲集序注王隱晉書曰爲上洛太守遜在郡有
私馬生駒私牛生犢悉留以付郡云是爲郡所轉魏興
產以還官也書鈔七十五引王書誤作上谷太守
太尉華陽國志四作廣漢太守魏興王遜案廣漢於益
州爲近郡故下文云使於郡便之鎮若魏興則相

距較遠傳因遜為魏興人故誤作魏興太守也惠帝末西南夷叛寧州刺史李

毅卒城中百餘人奉毅女固守經年永嘉四年治中毛

孟詣京師求刺史不見省孟固陳曰君亡親喪幽閉窮

城萬里訴哀不垂愍救既慙包胥無哭秦之感又愧梁

妻無崩城之驗存不若亡乞賜臣死朝廷憐之華陽國志十二

日強濟少府成都威侯李毅字允剛鄴人又卷四曰太

康三年罷寧州置南夷以天水李毅為校尉持節統兵

鎮南中太安元年復置寧州統牂牁益州朱提合七郡

為刺史加龍驤將軍進封成都縣侯二年于陵承謀反

奉建寧太守巴西馬恢為刺史燒郡偽發毅方疾作力

出軍以救恢及聞其情乃殺恢夷愈強盛破壤郡縣設

吏民會毅疾甚軍連不利晉民或入交州或入永昌牂

牁牛亦為夷所困虜夷因攻圍州城毅但疾力固孤城

病篤不能戰討時李特李雄作亂益州而所在有事救

援莫至毅上疏陳謝不能式過寇虐疾與事遇使虜游

魂兵穀既單器械窮盡而求救無望坐待殄斃若必不
垂矜憂乞請大使及臣尚存加臣重罪若臣已死陳屍
爲戮積四年光熙元年春三月毅薨子釗任格還赴到
并柯路塞停住交州文武以毅女秀明達有父才遂奉
領州事秀初適漢嘉太守廣漢王載載將家避地在南
故共推之又以載領南夷龍驤參軍秀獎勵戰討食糧
已盡人但樵草炙鼠爲命秀伺夷怠緩輒出軍掩破首
尾三年釗乃得達丁喪文武復逼釗領州府事毅故吏
毛孟等詣洛求救至欲自刎懷帝乃下交州使救助之
以釗爲平寇將軍領南夷護軍遣御史趙濤贈毅少府
謚曰威侯案鄴屬廣漢郡而又錯出天水李毅誤也讀
史舉正曰案通鑑毅卒在光熙元年明年永嘉元年毛
孟詣京師乃以遜爲南夷校尉宜州刺史使於郡使之
求刺史
鎮遜與孟俱行道遇寇賊踰年乃至
威遠將軍咨以援之朝廷以廣漢太守魏興王遜爲南
夷校尉宜州刺史代毅自永嘉元年受除四年乃至案
本傳上文永嘉四年毛孟詣京師始以遜爲宜
州刺史此言元年受除四年乃至與史歧異
外逼李

雄內有夷寇吏士散沒城邑丘墟遜披荒糾厲收聚離

散專杖威刑鞭撻殊俗遜未到州遙舉董聯爲秀才建

寧功曹周悅謂聯非才不下版檄遜既到收悅殺之悅

弟潛謀殺遜以前建寧太守趙混子濤代爲刺史事覺

竝誅之華陽國志四曰遙舉建寧董敏爲秀才郡人無

殺悅悅弟秦滅長周昂合夷叟謀以趙濤父暉昔爲建

寧有德惠欲殺遜樹壽遜誅之并殺濤夷晉莫不惶懼

書鈔七十二晉中興書王遜傳曰王遜爲寧州刺史民

人調者多使作金刺通名妻尤之曰何先清而後濁也

案董聯與董敏必有一誤傳又誅豪右不奉法度者數

作混華陽志作暉亦有一誤十家征伐諸夷俘馘千計獲馬及牛羊數萬餘於是莫

不振服威行寧土又遣子澄奉表勸進於元帝帝嘉之

累加散騎常侍安南將軍假節校尉刺史如故賜爵褒

中縣公

華陽國志四曰時荒亂後倉無斗粟無一旅

微厭亂漸亦近善勞來不怠數年克復以五茶醴作夷

昔爲亂首圖討之未有致罪會夷發夜郎莊王墓逡因

此遂討滅之及討惡獠剛夷數千落威震南方官至平

西安南將軍又兼益州刺史加散騎常侍封褒中伯太

興四年逡發病薨案華陽志作平西逡以地勢形便上

安南將軍益州刺史褒中伯與傳異

分牂柯爲平夷郡分朱提爲南廣郡分建寧爲夜郎郡

分永昌爲梁水郡

案地理志永嘉二年分牂柯立平夷

南廣太守晉武帝分朱提立梁水太守晉成帝分興古

立皆與傳異詳地理志注明帝紀太寧二年已有梁水

太守爨亮則置郡必非在成帝時本傳云太寧末表以

零陵太守尹奉爲益州徵逡子堅還朝其時逡已早卒

益可證梁水置郡稿非成帝時矣蓋逡先分永昌置此

郡至成帝時又益以興古之地耳宋州郡志又有西平

太守永嘉五年益州刺史王遜分興古之東立東河陽
太守永嘉五年益州刺史王遜分永昌雲南立傳均不
載華陽國志四云西平郡刺史王遜時爨量保盤南遜
出軍攻討不能克已遜薨後刺史尹奉重募徼外夷刺
殺量盤南平乃割興古雲南之盤江來如南零三縣為
郡是西平非遜所分矣益州郡置郡于梁水縣據此則
按水經注劉禪分興古之盤南置郡于梁水縣據此則
蜀時已有此郡又曰南廣郡領縣三南廣晉昌常遷梁
水郡領縣五梁水騰又改益州郡為晉寧郡事皆施行
休西隨毋拔鐔封

先是越嚮太守李釗為李雄所執自蜀逃歸遜復以釗

為越嚮太守華陽國志十二曰西夷校尉李釗字世康

禦雄案華陽志李雄遣李驤任回攻釗釗自南秦與漢
作朱提與傳異

嘉太守王載共距之戰于溫水釗敗績載遂以二郡附

雄後驤等又渡溫水寇益州遜使將軍姚崇爨琛距之

戰于堂狼大破驤等崇追至瀘水透水死者千餘人崇以道遠不敢渡水遜以崇不窮追也怒囚羣帥執崇鞭之怒甚髮上衝冠冠爲之裂夜中卒華陽國志四曰遜勦健爲太守朱提雷炤流民陰貢平樂太守董霸破牂柯平夷南廣北降李雄建寧爨量與益州太守李過梁水太守董謹保興古盤南以叛雄遣叔父驤破越嶲伐宜州遜使督護雲南姚岳距驤於堂鄉縣違遜指授雖大破之驤不獲水經若水注曰晉明帝太寧二年李驤等侵越嶲攻臺登縣甯州刺史王遜遣將軍姚岳擊之戰于堂琅驤軍大敗岳追之至壚水赴水死者千餘人遜以岳等不窮追怒甚髮上衝冠恰裂而卒案本傳此事未載年月帝紀繫於太寧元年與鄭注作二年異堂鄉堂琅爲堂狼之異文非誤字姚崇當是姚岳之誤明帝紀李雄載記遜在州十四年晉書姚崇傳是姚岳之誤明亦均作姚岳志補中遜於永嘉四年到州大興四年病卒是在位僅十二年傳言遜以姚岳不窮追李驤盛怒致卒攷國志觀詩李驤螳螂川之敗

在大興三年與遜之卒本非一時知傳言遜怒甚髮上
冲冠冠爲之裂中夜卒數語不特形容過甚亦本無其
事年林氏載李璆帝崩璆在太室元州人復立遜中子堅行
輒具二年有年府事詔除堅爲南夷校尉宜州刺史假節謚遜曰壯
陶侃懼堅不能抗對蜀人太室末表以零陵太守尹奉
爲宜州華陽國志四曰永昌元年晉朝更用零陵太守
尹奉爲宜州刺史南夷校尉加安西將軍奉威
刑緩鈍政治不理案一作太室徵堅還京病卒兄澄襲
末一作永昌元年未知孰是

爵歷魏興太守散騎常侍

蔡豹

蔡豹字士宣

案敦煌石室本晉紀作蔡宣師此作士宣者晉人選師字改爲士而又誤倒作士宣

也陳留圉城人高祖質漢衛尉左中郎將邕之叔父也

祖睦魏尚書父宏陰平太守豹有氣幹歷河南丞長樂

清河太守

案地理志有安平國無長樂郡石勒載記亦有長樂太守程遐魏書地形志長樂郡漢置

信都郡安帝改曰安平晉改長樂是晉有長樂郡當為太康後所改置故地理志不載避亂南渡

元帝以為振武將軍臨淮太守遷建威將軍徐州刺史

初祖逖為徐州豹為司馬素易豹至是逖為豫州而豹

為徐州俱受征討之寄逖甚愧之是時太山太守徐龕

與彭城內史劉遐同討反賊周撫於寒山

東晉疆域志曰彭城縣有

寒龕將于藥斬撫及論功而遐先之龕怒以太山叛自

號安北將軍兗州刺史攻破東莞太守侯史旄

晉書校文四曰

此侯史光之孫也光傳作施融

而據其塢石季龍伐之龕懼求

降元帝許焉既而復叛歸石勒勒遣其將王伏都張景等數百騎助龕詔征虜將軍羊鑒武威將軍侯禮臨淮太守劉遐鮮卑段文鴛等與豹共討之諸將畏悞頓兵下邳不敢前豹欲進軍鑒固不許龕遣使請救於勒勒辭以外難而多求於龕又王伏都等淫其室龕知勒不救且患伏都等縱暴乃殺之復求降元帝惡其反覆不納勅豹鑒以時進討鑒及劉遐等竝疑憚不相聽從互有表聞故豹久不得進尙書令刁協奏曰臣等伏思淮北征軍已失不速今方盛暑冒涉山險山人便弓弩習土俗一人守阨百夫不當且運漕至難一朝糧乏非復

智力所能防禦也書云宐致人不致於人宜頓兵所在
深壁固壘至秋不了乃進大軍詔曰知難而退誠合兵
家之言然小賊雖狡猾故成擒耳未戰而退先自摧衄
亦古之所忌且邵存已據賊壘威勢既振不可退一步
也於是遣治書御史郝叡爲行臺催攝令進討豹欲逕
進鑒執不聽協又奏免鑒官委豹爲前鋒以鑒兵配之
降號折衝將軍以責後效豹進據卞城欲以逼龕時石
季龍屯鉅平將攻豹豹夜遁退守下邳徐龕襲取豹輜
重於檀丘

讀史方輿紀要三十二曰檀城在兗州府東北地理志瑕邱有檀城古灌檀也又地記云

卞縣東南有檀邱

將軍留寵陸黨力戰死之豹既敗將歸謝罪

北中郎王舒止之

十七史商榷五十
日郎下脫將字

日胡寇方至使君

且當攝職爲百姓障扞賊退謝罪不晚也豹從之元帝
聞豹退使收之使者至王舒夜以兵圍豹豹以爲他難
率麾下擊之聞有詔乃止舒執豹送至建康斬之尸于
市三日時年五十二豹在徐土內撫將士外懷諸眾甚
得遠近情聞其死多悼惜之無子兄子裔字元子散騎
常侍兖州刺史高陽鄉侯殷浩北伐使裔率眾出彭城
卒於軍案蔡裔附殷浩傳寥寥數語不詳官閥宜以此
併入前傳但於豹傳末云兄子裔見殷浩傳可
矣此修史
者之疏也

羊鑒

羊鑒字景期太山人也父濟匈奴中郎將兄煒歷太僕
充徐二州刺史鑒爲東陽太守累遷太子左衛率時徐
龕反叛司徒王導以鑒是龕州里冠族必能制之請遣
北討鑒深辭才非將帥太尉郗鑒亦表謂鑒非才不宜
妄使導不納強啟授以征討都督果敗績導以舉鑒非
才請自貶帝不從有司正鑒斬刑元帝詔以鑒太妃外
屬特免死除名久之爲少府及王敦反明帝以鑒敦舅
又素相親黨微被嫌責及成帝卽位豫討蘇峻以功封
豐城縣侯徙光祿勳卒

劉楨

劉楨字承楨東萊掖人漢齊悼惠王肥之後也美姿容
善自任遇交結時豪名著海岱閒士咸慕之舉賢良辟
司空掾竝不就會天下大亂攜母欲避地遼東路經幽
州刺史王浚留楨表爲渤海太守浚敗轉依冀州刺史
邵續續徒眾寡弱謀降於石勒楨言於續曰夫田單包
胥齊楚之小吏耳猶能存已滅之邦全喪敗之國今將
軍杖精銳之眾居全勝之城如何墜將登之功於一蕢
委忠信之人於豺狼乎且項羽袁紹非不强也高祖縞
冠人應如響曹公奉帝而諸侯綏穆何者蓋逆順之理
殊自然之數定也況夷戎醜類屯結無賴雖有犬羊之

盛終有庖宰之患而欲託根結援無乃殆哉續曰若如君言計將安出肩曰琅邪王以聖德欽明創基江左中興之隆可企踵而待今爲將軍計者莫若抗大順以激義士之心奉忠正以厲軍人之志

文選百辟勸進今上箋注引晉中興書抗

作亢人作民

夫機事在密時至難違存亡廢興在此舉矣續

從之乃殺異議者數人遣使江南朝廷嘉之肩仍求自行續厚遣之既至元帝命爲丞相參軍累遷尙書吏部郎肩聞石季龍攻厭次言於元帝曰北方方鎮皆沒惟餘邵續而已如使復爲季龍所制孤義士之心阻歸本之路愚謂宜存救援元帝將遣救之會續已沒而止王

敦素與屑交甚欽貴之請爲右司馬屑知敦有不臣心
枕疾不視事以是忤敦意出爲豫章太守辭以腳疾詔
就家授印綬郡人莫鴻南土豪族因亂殺本縣令橫恣
無道百姓患之屑至誅鴻及諸豪右界內肅然咸和初
爲平南軍司加散騎常侍蘇峻作亂溫嶠率眾而下留
屑等守湓口事平以勳賜爵豐城子俄而代嶠爲平南
將軍都督江州諸軍事領江州刺史假節屑位任轉高
矜豪日甚縱酒耽樂不恤政事大殖財貨商販百萬初
屑之代嶠也遠近皆謂非選陶侃郗鑒咸云屑非方伯
才朝廷不從或問王悅曰今大難之後綱紀弛頓自江

陵至于建康三千餘里流人萬計布在江州江州國之
南藩要害之地而胤以侈怙之性卧而對之不有外變
必有內患悅曰聞溫平南語家公云連得惡夢思見代
者尋云可用劉胤此乃溫意非家公也是時朝廷空罄
百官無祿惟資江州運漕而胤商旅繼路以私廢公御
七百四語林曰劉承允少有淹雅之度王庾溫公皆素
與周旋聞其至共載看之劉倚被囊了不與王公言神
味亦不相酬俄頃賓退王庾甚怪此意未能解溫曰承
允好賄新下必有珍寶當有市井事令人視之果見向
囊皆珍玩正有司奏免胤官案御覽三十三國春
與胡父諧賈有司奏免胤官秋日江州刺史允自武昌
以一疾被徵爲右將書始下而胤爲郭默所害年四十
軍與本傳云免官異

九子赤松嗣尙南平長公主位至黃門郎義興太守

桓宣

周家祿校勘記曰
下脫族字伊三字

桓宣譙國鉅人也祖詡義陽太守父弼冠軍長史宣開
濟篤素爲元帝丞相舍人時塢主張平自稱豫州刺史
樊雅自號譙郡太守晉書校文四曰據祖逖傳平雅各
官號係劉演所版署非由自假
據一城眾數千人帝以宣信厚又與平雅同州里轉宣
爲參軍使就平雅平雅遣軍主簿隨宣詣丞相府受節
度帝皆加四品將軍卽其所部使扞禦北方南中郎將
王含請宣爲參軍頃之豫州刺史祖逖出屯蘆州寶應
圖經
日方輿紀要蘆洲在寶應縣東十三里東晉初祖逖軍
於蘆洲或以爲卽此處誤也案今蘆洲在射陽故城西
五十七里在晉爲射陽境中晉書桓宣傳祖逖出屯蘆
洲逖爲豫州刺史蘆洲自不在射陽案傳文州當作洲

遣參軍殷乂詣平雅乂意輕平視其屋云當持作馬廄
見大鑊欲鑄作鐵器平曰此是帝王大鑊天下定後方
當用之柰何打破乂曰卿能保頭不而惜大鑊邪平大
怒於坐斬乂阻兵固守歲餘逖攻平殺之而雅據譙城
逖以力弱求助於含含遣宣領兵五百助逖逖謂宣曰
卿先已說平雅信義大著於彼今復爲我說雅雅若降
者方相擢用不但免死而已宣復單馬從兩人詣雅曰
祖逖方欲平蕩二寇每倚卿爲援前殷乂輕薄非豫州
意今若和解則忠勳可立富貴可保若猶固執東府赫
然更遣猛將

廿二史攷異二十二曰此在元帝未卽位以前帝以鎮東大將軍領揚州刺史故稱

東府也其後以京都所在刺史不加征東鎮東之以卿號而東府之名猶存故揚州治所稱東府城也

烏合之眾憑阻窮城強賊伺其北國家攻其南萬無一

全也願善量之雅與宣置酒結友遣子隨宣詣逖少日

雅便自詣逖逖遣雅還撫其眾雅僉謂前數罵辱晉書校文

四曰雅字衍文御覽仁昭二引懼罪不敢降雅復閉城

晉書作僉謂前數辱罵無雅字

自守逖往攻之復遣宣入說雅雅即斬異己者遂出降

未幾石勒別將圍譙城含又遣宣率眾救逖未至而賊

退逖留宣討諸未服皆破之遷譙國內史祖約之棄譙

城也宣以牋諫不從由是石勒遂有陳留及約與蘇峻同反宣謂祖智曰今強胡未滅將勦力以討之而與峻

俱反此安得久乎使君若欲爲雄霸何不助國討峻威
名自舉智等不能用宣欲諫約遣其子戎白約求入約
知宣必諫不聽宣遂距約不與之同邵陵人陳光率部
落數百家降宣宣皆慰撫之約還歷陽宣將數千家欲
南投尋陽營於馬頭山

讀史方輿紀要五十曰馬頭山在商城縣南五十里

值祖煥欲襲濫口陶侃使毛寶救之煥遣眾攻宣宣使戎求
救於寶寶擊煥破之宣因投溫嶠嶠以戎爲參軍賊平
宣居於武昌戎復爲劉楨參軍郭默害楨復以戎爲參
軍陶侃討默默遣戎求救於宣宣僞許之西陽太守鄧
嶽武昌太守劉詡皆疑宣與默同豫州西曹王隨曰宣

尙背祖約何緣同郭默邪獄詔乃遣隨詣宣以觀之隨
謂宣曰明府心雖不爾無以自明惟有以戎付隨耳宣
乃遣戎與隨俱迎陶侃辟戎爲掾上宣爲武昌太守尋
遷監沔中軍事南中郎將江夏相石勒荊州刺史郭敬
戍襄陽陶侃使其子平西參軍斌與宣俱攻樊城拔之
竟陵太守李陽又破新野敬懼遁走宣與陽遂平襄陽
侃使宣鎮之以其淮南部曲立義成郡東晉疆域志曰義成郡沈志晉
孝武立治襄陽按晉哀帝興寧二年以桓豁監荊州及
揚州之義成桓豁傳督揚州之義成新野二郡今汝南
與沖所督之義成即陶侃僑立於襄陽者其僑置之
在荊州其人戶則屬揚州也圖經義成廢郡在光化縣
西北領僑縣四義宣招懷初附勸課農桑簡刑罰略威
成下蔡平阿萬年

儀或載鉏耒於輶軒或親芸稷於隴畝十餘年閒石季龍再遣騎攻之宣能得眾心每以寡弱距守論者以爲次於祖逖周訪侃方欲使宣北事中原會侃薨後庾亮爲荊州將謀北伐以宣爲都督沔北前鋒征討軍事平北將軍司州刺史假節鎮襄陽季龍使騎七千渡沔攻之亮遣司馬王愨期輔國將軍毛寶救宣賊三面爲地窟攻城宣募精勇出其不意殺傷數百多獲鎧馬賊解圍退走久之宣遣步騎收南陽諸郡百姓沒賊者八千餘人以歸庾翼代亮欲傾國北討更以宣爲都督司梁雍三州荊州之南陽襄陽新野南鄉四郡軍事梁州刺

史持節將軍如故以前後功封竟陵縣男

周家祿校勘記曰康帝紀

作竟陵公疑進爵爲公而傳脫不書也

宣久在襄陽綏撫僑舊甚有稱績

庾翼遷鎮襄陽令宣進伐石季龍將李熙軍次丹水爲

賊所敗翼怒貶宣爲建威將軍使移戍峴山

水經河水注曰河水

又逕峴山東注云山上有桓宣所築城又有桓宣碑

宣望實俱喪兼以老疾時南

蠻校尉王愆期守江陵以疾求代翼以宣爲鎮南將軍

南郡太守代愆期宣不得志未之官發憤卒追贈鎮南

將軍戎官至新野太守

伊字叔夏父景有當世才幹仕至侍中丹楊尹中領軍

護軍將軍長社侯伊有武幹

御覽二百五十六引晉標中興書作湛隱有武幹

悟簡率

世說方正篇注引續晉陽秋簡率作省率

爲王濛劉惔所知頻參諸

府軍事累遷大司馬參軍時苻堅強盛邊鄙多虞朝議選能距捍疆場者乃授伊淮南太守以綏御有方進督豫州之十二郡揚州之江西五郡軍事建威將軍歷陽太守淮南如故與謝玄共破賊別將王璽張蚝等以功封宣城縣子又進都督豫州諸軍事西中郎將豫州刺史及苻堅南寇伊與冠軍將軍謝玄輔國將軍謝琰俱破堅於淝水以功封永脩縣侯進號右軍將軍賜錢百萬袍表千端

御覽六百九十三引王隱晉書表作裏

伊性謙素雖有大功

而始終不替善音樂盡一時之妙

世說方正篇注續晉陽秋曰伊少有才藝

又善為江左第一有蔡邕柯亭笛常自吹之世說輕詆

長笛賦敘曰余同寮桓子野有故長笛傳之者老云蔡

邕伯喈之所製也初邕避難江南宿於柯亭之館以竹

為椽邕仰听之曰良竹也取以為笛音聲獨絕歷代傳

之至於今御覽一百九十四郡國志曰柯亭一名千秋

亭又名高遷亭會稽記曰漢議郎蔡邕避難宿於此亭

仰觀椽竹知有奇響因取為笛果有異聲又九百六十

二文士傳曰蔡邕經會稽高遷亭見屋椽竹王徽之赴

從東聞數第十六可以為簫取用果有異聲

召京師泊舟青溪側素不與徽之相識伊於岸上過船

中客稱伊小字曰此桓野王也案世說方正篇作桓子

也輕詆篇注引伏滔長笛賦敘亦作子野與徽之便令

本傳作野王異惟類聚引語林亦作野王

人謂伊曰聞君善吹笛試為我一奏伊是時已貴顯素

聞徽之名便下車踞胡牀為作三調弄畢便上車去客

主不交一言時謝安女壻王國寶專利無檢行安惡其
爲人每抑制之及孝武末年嗜酒好內而會稽王道子
昏瞶尤甚惟狎昵諂邪於是國寶譏諛之計稍行於主
相之間而好利險諛之徒以安功名盛極而構會之嫌
隙遂成帝召伊飲讌類聚四十四引語林作孝武祖宴
西堂樂闋酒闋將召桓野王箏歌
安侍坐帝命伊吹笛伊神色無遷卽吹爲一弄乃放笛
云臣於箏分乃不及笛然自足以韵合歌管請以箏歌
并請一吹笛人帝善其調達乃勅御妓奏笛伊又云御
府人於臣必自不合臣有一奴善相便串帝彌賞其放
率乃許召之奴旣吹笛伊便撫箏而歌怨詩曰類聚四
十四語

林曰於是召其常吹奴碩賜姓曰張加四品將軍引使
上殿張碩意氣激揚吹破三笛末取睹脚笛然後乃理
調成曲世說任誕篇注續晉陽秋爲君既不易爲臣良
日伊撫箏節歌怨詩用以爲諫也

獨難忠信事不顯乃有見疑患周旦佐文武金縢功不

刊推心輔王政二叔反流言聲節慷慨俯仰可觀安泣

下沾衿

書鈔一百十語林曰悲厲之響一堂流涕

乃越席而就之將其鬚曰

使君於此不凡帝甚有愧色伊在州十年綏撫荒雜甚

得物情桓冲卒遷都督江州荊州十郡豫州四郡軍事

江州刺史將軍如故假節

寰宇記一百十一曰桓伊爲江州刺史嘗遣左右賣糧尋

山之與至一處見有大湖湖側有敗船

伊到鎮以邊境無虞宜以寬卹爲

務乃上疏以江州虛耗加連歲不登今餘戶有五萬六

千宜并合小縣除諸郡逋米移州還鎮豫章詔令移州

尋陽其餘皆聽之伊隨宜拯撫百姓賴焉

御覽二百五十六引晉中

興書作伊隨宜拯撫甚得南土清和

在任累年徵拜護軍將軍以右軍府

千人自隨配護軍府卒官贈右將軍加散騎常侍諡曰

烈

寰宇記一百六曰桓伊冢晉護軍將軍江州刺史冢在洪州南一十六里石闕存焉俯在道側初伊

有馬步鎧六百領豫爲表令死乃上之表曰臣過蒙殊

寵受任西藩淮南之捷逆兵奔北人馬器鎧隨處放散

于時收拾敗破不足貫連比年營繕並已修整今六合

雖一餘燼未滅臣不以朽邁猶欲輪效力命仰報皇恩

此志永絕銜恨泉壤謹奉輪馬具裝百具步鎧五百領

並在尋陽請勒所屬領受詔曰伊忠誠不遂益以傷懷
仍受其所上之鎧子肅之嗣卒子陵嗣宋受禪國除伊
弟不才亦有將略討孫恩至冠軍將軍

朱伺

朱伺字仲文安陸人少爲吳牙門將陶丹給使吳平內

徙江夏伺有武勇

御覽三百五十七引王隱晉書作吳平內涉江夏便鞍馬弓弩刀楯射獵

而訥口不知書爲郡將督見鄉里士大夫揖稱名而已

及爲將遂以謙恭稱張昌之逆太守弓欽走潯口

晉書校文

四曰張昌傳作潯口觀下別立潯陽縣之文知潯字不誤

伺與同輩郴寶布興合眾

討之不剋乃與欽奔武昌後更率部黨攻滅之

晉書校文四曰

劉弘傳有張昌逃於下儋山弘遣軍討斬之轉騎部曲與此傳不合或弘所遣之軍卽何故傳云然

督加綏夷都尉何部曲等以諸縣附昌惟本部唱義討

逆逆順有嫌求別立縣因此遂割安陸東界爲潁陽縣

而貫焉

讀史方輿紀要七十六曰潁陽城在漢陽府北四十里亦安陸縣地

其後陳敏作

亂陶侃時鎮江夏以何能水戰

書鈔一百十八引王隱晉書作陶侃爲江夏郡

守陳敏大舉爲逆

曉作舟艦乃遣作大艦署爲左甄

晉書校文四曰御覽七五引晉書作右甄攷陶侃傳時侃以兄子輿爲左甄則何非左甄甚明據江口

書鈔一百十八引王隱晉書據上有遙字摧破敏前鋒敏弟恢稱荊州刺史在

武昌侃率何及諸軍進討破之

書鈔一百十八王隱晉書曰何水軍徙河口與

賊水城相搏伺左右三人上弩

以給伺續鋒相射箭無空發敏恢旣平伺以功封亭

侯領騎督時西陽夷賊抄掠江夏太守楊珉每請督將
議距賊之計伺獨不言珉曰朱將軍何以不言伺荅曰
諸人以舌擊賊伺惟以力耳珉又問將軍前後擊賊何
以每得勝邪伺曰兩敵共對惟當忍之彼不能忍我能
忍是以勝耳珉大笑永嘉中石勒破江夏伺與楊珉走
夏口及陶侃來戍夏口伺依之加明威將軍隨侃討杜
弢有殊功語在侃傳夏口之戰伺用鐵面自衛癸巳存稿曰昔前
護頭項亦以護面左傳葉公冑則不見其面是古冑前
覆深也晉書朱伺傳伺用鐵面自衛則連於冑而爲鐵
面以弩的射賊大帥數人皆殺之賊挽船上岸御覽四
百三十者以弩的射賊大帥數人皆殺之於水
五引王隱晉書作以弩的射賊大帥數人皆殺之於水
並以磊石弓箭雨下所向摧破賊皆拋船上岸

邊作陣伺逐水上下以邀之箭中其脛氣色不變諸軍

尋至賊潰追擊之皆棄船投水死者大半

御覽四百三十五引王隱

晉書作伺身被數十箭氣色不變諸賊夜還長沙伺追

軍尋至賊兵便崩退投水死者百數至蒲圻不及而反加威遠將軍赤幢曲蓋建興中陳聲

率諸無賴二千餘家斷江抄掠侃遣伺爲督護討聲聲

眾雖少伺容之不擊求遣弟詣侃降伺外許之及聲去

伺乃遣勁勇要聲弟斬之潛軍襲聲聲正旦並出祭祀

飲食伺軍入其門方覺聲將閭晉鄭進皆死戰伺軍人

多傷乃還營聲東走保董城伺又率諸軍圍守之遂重

柴繞城作高櫓以勁弩下射之又斷其水道城中無水

殺牛飲血聞晉聲婦弟也乃斬聲首出降又以平蜀賊
襲高之功加伺廣威將軍領竟陵內史時王敦欲用從
弟廙代侃爲荊州侃故將鄭攀馬儁等乞侃於敦敦不
許攀等以侃始滅大賊人皆樂附又以廙忌戾難事謀
共距之遂屯結涓口遣使告伺外許之而稱疾不赴
攀等遂進距廙既而士眾疑阻復散還橫桑口欲入杜
曾時朱軌趙誘李桓率眾將擊之攀等懼誅以司馬孫
景造謀距廙因斬之降軌等廙將西出遣長史劉浚留
鎮揚口壘東晉疆域志曰竟陵縣有揚口壘時杜曾請討第五猗於襄
陽伺謂廙曰曾是猾賊外示西還以疑眾心欲誘引官

軍使西然後兼道襲揚口耳宜大部分未可便西與性
矜厲自用兼以伺老怯難信遂西行曾等果馳還廩乃
遣伺歸裁至壘卽爲曾等所圍劉浚以壘北門危欲令
伺守之或說浚云伺與鄭攀同者乃轉守南門賊知之
攻其北門時鄭攀黨馬儁等亦來攻壘儁妻子先在壘
內或請皮其面以示之伺曰殺其妻子未能解圍但益
其怒耳乃止伺常所調弩忽噤不發伺甚惡之及賊攻
陷北門伺被傷退入船初浚開諸船底以木掩之名爲
船械伺旣入賊舉鋌摘伺伺逆接得鋌反以摘賊賊走
上船屋大喚云賊帥在此伺從船底沈行五十步乃免

遇醫療創小差杜曾遣說伺云馬儁等感卿恩妻孥得
活盡以卿家外內百口付儁儁已盡心收視卿可來也
伺荅曰賊無白首者今吾年六十餘不能復與卿作賊
吾死當歸南妻子付汝乃還餽山讀史方輿紀要七十
六曰小別山在漢川
縣南十里山形
如餽亦名餽山時王廙與李桓杜曾相持累戰餽山下
軍士數驚喚云賊欲至伺驚創而卒因葬餽山

毛寶

子穆之安之孫璩宗人德祖周
家祿校勘記曰按傳璩次穆之目錄孫璩

當作穆之子
璩在安之上

毛寶字碩真滎陽陽武人也王敦以爲臨湘令敦卒爲
溫嶠平南參軍蘇峻作逆嶠將赴難而征西將軍陶侃

懷疑不從

晉書校文四曰征西下脫大字

嶠屢說不能迴更遣使順侃

意曰仁公且守僕宜先下遣信已二日會寶別使還聞之說嶠曰凡舉大事當與天下共同眾克在和有不聞有異假令可疑猶當外示不覺況自作疑耶便宜急追信改舊書說必應俱征若不及前信宜更遣使嶠意悟卽追信改書侃果共征峻寶領千人爲嶠前鋒俱次茄子浦初嶠以南軍習水峻軍便步欲以所長制之宣令三軍有上岸者死時蘇峻送米萬斛饋祖約約遣司馬桓撫等迎之寶告其眾曰兵法軍令有所不從豈可不上岸邪乃設變力戰悉獲其米虜殺萬計約用大飢嶠嘉

其勳上爲廬江太守約遣祖煥桓撫等欲襲淝口陶侃將自擊之寶曰義軍恃公公不可動寶請討之侃顧謂坐客曰此年少言可用也乃使寶行先是桓宣背約南屯馬頭山爲煥撫所攻求救於寶寶眾以宣本是約黨疑之宣遣子戎重請寶卽隨戎赴之未至而賊已與宣戰寶軍懸兵少器械濫惡大爲煥撫所破寶中箭貫髀徹鞍使人蹋鞍拔箭血流滿鞞夜奔船所百餘里望星而行到先哭戰亡將士洗瘡訖夜還救宣寶至宣營而煥撫亦退寶進攻祖約軍次東關破合肥

讀史方輿紀要十九曰東

關在廬州府無爲州巢縣東南四十里東北距和尋召州含山縣七十里其地有濡須水水口卽東關也

歸石頭陶侃溫嶠未能破賊侃欲率眾南還寶謂嶠曰
下官能留之乃往說侃曰公本應領蕪湖爲南北勢援
前旣已下勢不可還且軍政有進無退非直整齊三軍
示眾必死而已亦謂退無所據終至滅亡往者杜弢非
不强盛公竟滅之何至於峻獨不可破邪賊亦畏死非
皆勇健公可試與寶兵使上岸斷賊資糧出其不意使
賊困蹙若寶不立效然後公去人心不恨侃然之加寶
督護寶燒峻句容湖孰積聚峻頗乏食侃遂留不去峻
旣死匡術以苑城降侃使寶守南城鄧嶽守西城賊遣
韓晃攻之寶登城射殺數十人晃問寶曰君是毛廬江

邢寶曰是晃曰君名壯勇何不出鬪寶曰君若健將何

不入鬪晃笑而退賊平封州陵縣開國侯千六百戶庾

亮西鎮請爲輔國將軍江夏相督隨義陽二郡鎮上明

又進南中郎隨亮討郭默

十駕齋養新錄曰案討默郭默者陶侃非庾亮也

平與亮司馬王愨期等救桓宣於章山擊賊將石遇破

之進征虜將軍亮謀北伐上疏解豫州請以授寶於是

詔以寶監揚州之江西諸軍事豫州刺史將軍如故與

西陽太守樊峻以萬人守邾城

水經江水注峻作俊

石季龍惡之

乃遣其子鑒與其將夔安李菟等五萬人來寇

晉書校文四曰

帝紀作李農此菟字疑譌李農屢見季龍載記也

張貉渡三萬騎攻邾城

案成帝紀

作張貉石季龍載記上作張賀度寶求救於亮亮以城

水經江水注作張格度卽一人也固不時遣軍城遂陷寶峻等率左右突圍出赴江死者

六千人寶亦溺死

類聚五十八王隱晉書曰毛寶據邾城陷寶屍沈江不出戴詳韜作移告

河伯諸神使出寶屍十餘日乃出

亮哭之慟因發疾遂薨詔曰寶之傾

敗宜在貶裁然蘇峻之難致力王室今咎其過故不加

贈祭之可也其後公卿言寶有重勳加死王事不宜奪

爵升平三年乃下詔復本封初寶在武昌軍人有於市

買得一白龜長四五寸養之漸大放諸江中邾城之敗

養龜人被鎧持刀自投於水中如覺墮一石上視之乃

先所養白龜長五六尺送至東岸遂得免焉

御覽四百七十九續

搜神記曰晉咸康中豫州刺史毛寶戍邾城有一軍人
於武昌市見人賣一白龜子長四五寸色白可愛其使
買取持歸著釜中養之曰漸大近及尺許其人憐之持
至江邊放水視其游去後邾城遭石虎敗寶奔豫州
既赴江莫不沈溺所養龜人于時被鎧持刀亦同自投
入水中覺如墮一石上水裁至腰須臾浮出中流視之
乃是先養白龜甲已長六七尺既送至東岸寶二子穆
出頭視之徐游而去中江猶還顧者數四焉

之安之

穆之字憲祖小字武生名犯王靖后諱故行字後又以
桓溫母名憲乃更稱小字穆之果毅有父風安西將軍
庾翼以爲參軍襲爵州陵侯翼等專威陝西以子方之
爲建武將軍守襄陽庾翼傳作以方方之年少翼選武
將可信杖者爲輔弼乃以穆之爲建武司馬俄而翼薨

大將于瓚戴義等作亂穆之與安西長史江彪司馬朱

燾等共平之桓溫代翼復取爲參軍從溫平蜀以功賜

次子都鄉侯尋除揚威將軍

周家祿校勘記曰穆帝紀作揚武按下云升平初遷

督宜州諸軍事揚威將軍可知先除

揚武後進揚威此當作揚武爲是 潁川太守隨溫平

洛入關溫將旋師以謝尙未至留穆之以二千人衛山

陵升平初遷督宜州諸軍事揚威將軍宜州刺史以桓

溫封南郡徙穆之爲建安侯復爲溫太尉參軍加冠軍

將軍以所募兵配之溫伐慕容暉使穆之監鑿鉅野百

餘里引汶會于濟川及溫焚舟步歸使穆之督東燕四

郡軍事領東燕太守

案惠帝紀光熙元年九月進封東燕公騰爵爲東燕王其後地沒於

石勒故地理志云石季龍分兗州之陳留東燕爲洛本
州至是桓溫平洛蓋復置東燕郡以穆之爲太守也
官如故袁真以壽陽叛溫將征之穆之以冠軍領淮南
太守守厯陽真平餘黨分散乃以穆之督揚州之江西
軍事復領陳郡太守俄而徙督揚州之義成荊州五郡
雍州之京兆軍事襄陽義成河南三郡太守將軍如故
尋進領梁州刺史頃之以疾解職詔以冠軍徵還苻堅
別將寇彭城復以將軍假節監江北軍事鎮廣陵遷右
將軍宣城內史假節鎮姑孰穆之以爲戍在近畿無復
軍警不宜加節上疏辭讓許之苻堅別將圍襄陽詔穆
之就上明受桓沖節度沖使穆之游軍沔中穆之始至

而朱序陷沒引軍還郡堅眾又寇蜀漢梁州刺史楊亮
益州刺史周仲孫奔退冲使穆之督梁州之三郡軍事
右將軍西蠻校尉益州刺史領建平太守假節戍巴郡
廿二史攷異二十二曰梁州三郡以子球爲梓潼太守
謂巴西梓潼宕渠也見殷仲堪傳穆之與球伐堅至于巴西郡以糧運乏少退屯巴東病
卒追贈中軍將軍謚曰烈子珍嗣位至天門太守珍弟
璩球璠瑾瑗璩最知名

璩字叔璉弱冠右將軍桓豁以爲參軍尋遭父憂服闋
爲謝安衛將軍參軍除尙書郎安復請爲參軍轉安子
珍征虜司馬

晉書校文四曰攷珍傳時珍爲輔國將軍
其爲征虜則在安卒後此處征虜字當作

輔國准肥之役苻堅迸走璩與田次之共躡堅至中陽不
及而歸遷寧朔將軍淮南太守尋補鎮北將軍譙王恬
司馬海陵縣界地名青蒲四面湖澤皆是菰葑逃亡所
聚威令不能及璩建議率千人討之時大旱璩因放火
菰葑盡然亡戶窘迫悉出詣璩自首近有萬戶皆以補
兵朝廷嘉之轉西中郎司馬龍驤將軍譙梁二郡內史
尋代郭銓爲建威將軍益州刺史元和郡縣圖志三十
三日陵州在漢卽犍
爲郡之武陽縣之東境晉孝武帝太元中益州刺史毛
璩置西城戍以防鹽井又曰陵井者本沛國張道陵所
開故以陵爲號晉太元中刺史毛璩安帝初進征虜將
乃於東西兩山築城置主將防衛之
軍及桓玄篡位遣使加璩散騎常侍左將軍璩執留玄

使不受命立以桓希爲梁州刺史王異據涪郭法戍宕渠師寂戍巴郡周道子戍白帝以防之璩傳檄遠近列立罪狀遣巴東太守柳約之建平太守羅述征虜司馬甄季之擊破希等仍率眾次於白帝武陵王令曰益州刺史毛璩忠誠慤亮自桓立萌禍常思躡其後今若平殄兇逆肅清荆郢者便當卽授上流之任初璩弟宜州刺史璠卒官璩兄球孫祐之及參軍費恬以數百人送喪葬江陵會立敗謀奔梁州璩弟瑾子脩之時爲立屯騎校尉誘立使入蜀旣而脩之與祐之費恬及漢嘉人馮遷共殺立約之等聞立死進軍到枝江而桓振復攻

沒江陵劉毅等還尋陽約之亦退俄而季之述之皆病
周家祿校勘記曰下約之詣振僞降因欲襲振事泄被
之衍文述羅述也

害約之司馬時延祖涪陵太守文處茂等撫其餘眾保

涪陵振遣桓放之爲益州屯西陵

周家祿校勘記曰桓立傳作屯夷陵爲是

處茂距擊破之振死安帝反正詔曰夫貞松標於歲寒

忠臣亮於國危益州刺史璩體識弘正誠契義旗受命

偏師次于近畿匡翼之勳寔感朕心可進征西將軍加

散騎常侍都督益梁秦涼寧五州軍事行宜都寧蜀太

守文處茂宣讚蕃牧蒙險夷難可輔國將軍西夷校尉

巴西梓潼二郡太守又詔西夷校尉瑾爲持節監梁秦

二州軍事征虜將軍梁秦二州刺史略陽武都太守瑾
弟蜀郡太守瑗爲輔國將軍宜州刺史初璩聞振陷江
陵率眾赴難使瑾瑗順外江而下使參軍譙縱領巴西
梓潼二郡軍下涪水當與璩軍會於巴郡蜀人不樂東
任縱因人情思歸於五城水口反譙縱傳曰刺史毛璩與巴西陽昧結謀於
五城水口共逼縱爲主元和郡縣圖志三十三曰晉末
毛璩使縱領白徒七百人由涪水下討桓立西人不樂
遠征乃逼還襲涪害瑾瑾留府長史鄭純之自成都馳
縱爲主使告璩璩時在略城去成都四百里讀史方輿紀要七十一曰略城在鹽
亭縣西南遣參軍王瓊討反者相距於廣漢熒道令何林聚
黨助縱而璩下人受縱誘說遂共害璩及瑗并子姪之

在蜀者一時殄沒璩子弘之嗣義熙中時延祖爲始康
太守上疏訟璩兄弟於是詔曰故益州刺史璩西夷校
尉瑾蜀郡太守瑗勤王忠烈事乖慮外葬送日近益懷
惻愴可皆贈先所授官給錢三十萬布三百匹論璩討
桓立功追封歸鄉公千五百戶又以祐之斬立功封夷
道縣侯自寶至璩三葉擁旄開國者四人將帥之家與
尋陽周氏爲輩而人物不及也瑾子脩之頻歷清顯至
右衛將軍從劉裕平姚泓後爲安西司馬沒於魏宋書
日修之字敬文爲鎮軍諮議右將軍龍驤將軍衛軍司
馬南郡太守相國右司馬行司州事安西司馬在虜中
多畜妻妾男女甚多元嘉二年死于虜中子元矯歷宛
陵江乘淩陽令南史本傳曰孫惠素仕齊爲少府卿

安之字仲祖亦有武幹累遷撫軍參軍魏郡太守簡文
輔政委以爪牙及登阼安之領兵從駕使止宿宮中尋
拜游擊將軍時庾希入京口朝廷震動命安之督城門
諸軍事孝武卽位妖賊盧悚突入殿廷安之聞難率眾
直入雲龍門手自奮擊旣而左衛將軍殷康領軍將軍
桓祕等至與安之并力悚因勦滅魏書司馬獻傳曰徐
眾男女二百向晨攻廣莫門詐言海西公還由萬春雲
龍門入殿略取三廂及武庫甲仗時門下軍校並假兼
在直吏士駭愕不知所爲游擊將軍毛安之先入雲龍
門討悚中領軍桓祕將軍殷康止車門入會兵攻之斬
五十六級捕獲餘遷右衛將軍御覽二百三十七引定
黨死者數百人后崩領將作大匠卒官追贈光祿勳四子潭泰遂遁潭

嗣爵官至江夏相泰歷太傅從事中郎後軍諮議參軍
與遂俱爲會稽王父子所昵乃追論安之討盧悚勳賜
爵平都子命潭襲爵元顯嘗宴泰家旣而欲去泰苦留
之曰公若遂去當取公腳元顯大怒奮衣而出遂與元
顯有隙及元顯敗泰時爲冠軍將軍堂邑太山二郡太
守遂爲游擊將軍遁爲太傅主簿桓立得志使泰收元
顯送于新亭泰因宿恨手加毆辱俄並爲立所殺惟遁
被徙廣州義熙初得還至宜都太守

德祖璩宗人也

廿二史劄記曰德祖爲宋功臣宋書已立傳唐修晉書自不必以宋臣附晉臣

之內乃寶傳後又敘德祖事甚詳蓋本毛氏家傳鈔入之而未及刪節也案宋書索虜傳毛德祖榮陽南武陽

人德祖爲寶宗人本書寶傳云滎陽陽武人地理志陽武屬滎陽南武陽則屬泰山郡宋書誤也父祖

並沒于賊中德祖兄弟五人相攜南渡皆有武幹荊州

刺史劉道規以德祖爲建武將軍始平太守又徙涪陵

太守盧循之役道規又以爲參軍伐徐道覆於始興尋

遭母憂劉裕伐司馬休之版補太尉參軍義陽太守賜

爵遷陵縣侯轉南陽太守從劉裕伐姚泓頻攻滎陽扶

風南安馮翊數郡所在剋捷裕嘉之以爲龍驤將軍秦

州刺史東晉疆域志曰東秦州爲遙立州郡胡三省云德祖所領卽東秦州凡領郡可考者二天水南

安裕留留字一少第二子義眞爲安西將軍雍州刺史以德

祖爲中兵參軍領天水太守東晉疆域志曰北雍州爲遙立州郡凡領郡可考者

七京兆馮翊扶風咸陽始平東安定從義真還裕以德
新平是時劉裕未得天水蓋遙領也

祖督河東平陽二郡軍事輔國將軍河東太守代劉遵

考守蒲坂及河北覆敗德祖全軍而歸裕方欲蕩平關

洛先以德祖督九郡軍事

勞格讀書雜識曰宋書索虜傳德祖督司州之河東平陽

河北雍州之京兆豫州之潁川兗州之陳留九郡軍事榮陽太守將軍如故今數之只六郡

冠軍將

軍榮陽京兆太守以前後功賜爵灌陽縣男

魏書太宗紀作觀陽

伯毛德祖尋遷督司雍并三州諸軍事冠軍將軍司州刺史

戍武牢爲魏所沒

水經河水注四曰河水南對王門門東對臨河側岸有土穴魏攻北司州

刺史毛德祖于虎牢戰經二百日不克城惟一井其深四十丈潛作地道取井余頃因公至彼故往尋之其穴處猶存元和郡縣圖志五曰至宋武帝北平關洛置司州刺史理虎牢魏使奚斤攻宋司州刺史毛德祖經二

十日不克城中傷者無血知德祖次弟嶷嶷弟辯並有其乏水潛作地道其穴猶存志節疑死於盧循之難辯沒於魯宗之役並奮不顧命爲世所歎

劉遐

劉遐字正長廣平易陽人也性果毅便弓馬開豁勇壯

值天下大亂遐爲塢主每擊賊率壯士陷堅摧鋒

御覽四百

三十五晉中興書曰遐自爲塢主攻抄日至無時不戰遐每奮擊直入賊軍陷堅摧銳

翼方比之

張飛關羽鄉人冀州刺史邵續深器之以女妻焉遂壁于河濟之間賊不敢逼遐閒道遣使受元帝節度朝廷嘉之璽書慰勉以爲龍驤將軍平原內史建武初元帝

令曰遐忠勇果毅義誠可嘉以遐爲下邳內史將軍如

故初沛人周堅一名撫與同郡周默因天下亂各爲塢

主以寇抄爲事默降祖逖撫怒遂襲殺默以彭城叛石

勒遣騎援之詔遐領彭城內史與徐州刺史蔡豹太山

太守徐龕共討撫戰於寒山魏地形志曰彭城縣有寒山撫敗走

詔徙遐爲臨淮太守徐龕復反事平以遐爲北中郎將

兖州刺史太寧初自彭城移屯泗口通鑑地理通釋十

遷縣彭縣志離縣分縣潁南與晉太寧中兖州刺史劉

遐自彭城退屯泗口卽此縣潁南與晉太寧中兖州刺史劉

馮暉于水經淮水東北至下邳淮陰縣西泗水從西北

來流注之注淮泗之會卽角城也左右兩川翼夾二水

謂泗口也

決入之所王含反遐與蘇峻俱赴京都含敗隨丹楊尹

溫嶠追含至于淮南遐頗放兵虜掠嶠曰天道助順故

王含勦絕不可因亂爲亂也遐深自陳而拜謝事平以

功封泉陵公遷散騎常侍監淮北軍事北軍中郎將徐

州刺史

周家祿校勘記曰北中郎將誤衍軍字

假節代王邃鎮淮陰咸和

元年卒追贈安北將軍子肇年幼成帝以徐州授郗鑒

以郭默爲北中郎將領遐部曲遐妹夫田防及遐故將

史迭卞咸李龍等不樂他屬共立肇襲遐故位以叛成

帝遣郭默等率諸郡討之默等始上道而臨淮太守劉

矯率將士數百掩襲遐營迭等逃走斬田防及督護卞

咸等追斬迭龍于下邳傳首詣闕遐母妻子參佐將士

悉還建康遐妻驍果有父風遐嘗爲石季龍所圍妻單將數騎拔遐出於萬眾之中及田防等欲爲亂遐妻止之不從乃密起火燒甲杖都盡肇襲爵官至散騎侍郎肇卒子舉嗣卒子遵之嗣卒子伯齡嗣宋受禪國除

鄧嶽

子遐

鄧嶽字伯山陳郡人也

御覽二百七十六荊州記曰鄧遐襄陽人也案遐爲嶽子無父

子異籍之理蓋陳郡爲其本貫東遷後僑寄襄陽也

本名岳以犯康帝諱改爲嶽

後竟改名爲岱焉少有將帥才略爲王敦參軍轉從事中郎西陽太守王含構逆嶽領兵隨含向京都及含敗嶽與周撫俱奔蠻王向蓋後遇赦與撫俱出久之司徒

王導命爲從事中郎後復爲西陽太守及蘇峻反平南將軍溫嶠遣嶽與督護王愆期鄱陽太守紀睦等率舟軍赴難峻平還郡郭默之殺劉楨也大司馬陶侃使嶽率西陽之眾討之默平遷督交廣二州軍事建武將軍領平越中郎將廣州刺史假節錄前後勳封宜城縣伯咸康三年嶽遣軍伐夜郎破之晉書校文四曰帝紀伐夜郎在咸康二年十月非三年且尚有擊興古一事此脫載加督宜州進征虜將軍遷平南將軍卒子遐嗣

遐字應遠

世說黜免篇注引大司馬寮屬名作鄧遐字應玄

勇力絕人氣蓋當

時時人方之樊噲桓溫以爲參軍數從溫征伐

元和郡縣圖志

一曰白鹿原在藍田縣西六里晉桓溫伐苻健督護鄧
遐等奮擊於白鹿原卽此地也案溫本傳云雄又與將
軍桓沖戰白鹿原蓋遐在軍中尙隸屬於桓沖故史歷
不著遐之名惟督護與參軍官名互異乃傳聞之譌
冠軍將軍數郡太守世說黜免篇注大司馬號爲名將

襄陽城北沔水中有蛟常爲人害遐遂拔劍入水蛟繞

其足遐揮劍截蛟數段而出御覽六十二盛弘之荊州記曰沔水隈潭極深先有

蛟爲害鄧遐爲襄陽太守拔劍入水蛟數段流入水經上有鮪鮪鮪

裸曰蛟繞其足遐自揮劍截蛟數段流血丹水勇冠當

時於後遂無蛟患又四百三十七異苑曰遐得蛟呪而
放也自茲迄今絕無此患案異苑所載與本傳及荊州

記互異枋頭之役溫旣懷恥忿且忌憚遐之勇果因免遐

官世說黜免篇曰鄧竟陵免官後赴山陵過見大司馬
桓公問之曰卿何以更瘦鄧曰有愧於叔達不能
不恨於尋卒宣康中追贈廬陵太守嶽弟逸字茂山亦
破頗

有武幹嶽卒後以逸監交廣州建威將軍平越中郎將
廣州刺史假節

朱序

朱序字次倫義陽人也

宋書朱修之傳作義陽父燾以平氏人本書失載縣名

才幹歷西蠻校尉益州刺史

宋書朱修之傳作平西將軍

序世爲名

將累遷鷹揚將軍江夏相興寧末梁州刺史司馬勳反

桓溫表序爲征討都護往討之以功拜征虜將軍封襄

平子太和中遷兗州刺史時長城人錢弘聚黨百餘人

藏匿原鄉山以序爲中軍司馬吳興太守序至郡討擒

之

十駕齋養新餘錄曰以孝武紀攷之朱序討平事訖錢步射錢弘等在寧康二年十一月非太和也

遷兗州寧康初拜使持節監沔中諸軍事南中郎將梁

州刺史鎮襄陽

周家祿校勘記曰寧康當作太元十駕齊養新餘錄曰序自兗州遷梁州鎮襄

陽在太元二年三月

是歲苻堅遣其將苻丕等率眾圍序序固守

賊糧將盡率眾苦攻之初苻丕之來攻也序母韓自登

城履行謂西北角當先受弊

元和郡縣圖志二十一日朱序母深識兵勢登城履

行知此處必偏受敵

遂領百餘婢并城中女子於其角斜築城二

十餘丈賊攻西北角果潰眾便固新築城丕遂引退

元和

郡縣圖志二十一日寇肆力來攻果輒而退

襄陽人謂此城爲夫人城

元和郡縣

圖志二十一曰襄陽縣州理中城在縣東邊一處有土赤色昔苻丕攻襄陽朱序用道法以硃砂燻之至今土

色有異西北角有夫人城

序累戰破賊人情勞懈又以賊退稍遠疑

未能來守備不謹督護李伯護密與賊相應襄陽遂沒

序陷於苻堅

十駕齋養新錄曰苻丕陷襄陽在太元三年二月非寧康也

堅殺伯護

徇之以其不忠也序欲逃歸潛至宜陽藏夏揆家堅疑
揆收之序乃詣苻暉自首堅嘉而不問以爲尙書太元
中苻堅南侵謝石率眾距之時堅大兵尙在項苻融以
三十萬眾先至堅遣序說謝石稱己兵威序反謂石曰
若堅百萬之眾悉到莫可與敵及其未會擊之可以得
志於是石遣謝琰選勇士八千人涉肥水挑戰堅眾小
却序時在其軍後唱云堅敗眾遂大奔序乃得歸拜龍
驤將軍琅邪內史轉揚州豫州五郡軍事豫州刺史屯

洛陽後丁零翟遼反序遣將軍秦膺童斌與淮泗諸郡
共討之又監兗青二州諸軍事二州刺史將軍如故進
鎮彭城序求鎮淮陰帝許焉翟遼又使其子釗寇陳潁
序還遣秦膺討釗走之拜征虜將軍表求運江州米十
萬斛布五千匹以資軍費詔聽之加都督司雍梁秦四
州軍事

孝武帝紀作雍梁河
中九郡雍州刺史

帝遣廣威將軍河南太守

楊佺期南陽太守趙睦各領兵千人隸序序又表求故
荊州刺史桓石生府田百頃并穀八萬斛給之仍戍洛
陽衛山陵也其後慕容永率眾向洛陽序自河陰北濟
與永僞將王次等相遇乃戰於沁水次敗走斬其支將

勿支首參軍趙睦江夏相桓不才追永破之于太行永

歸上黨時楊楷聚眾數千在湖陝間永敗遣任子詣序

乞降序追永至上黨之白水與永相持二旬水經沁水注曰丹水

又南白水注之水出高都縣故城西所謂長平白水也

東南流歷天井關注云太元十五年晉征虜將軍朱序

破慕容永於太行遣軍至白水去長子百六十里聞翟

讀史方輿紀要四十三曰白水在澤州南三里

遼欲向金墉乃還遂攻翟釗於石門水經濟水注曰榮

門謂之榮口石門又曰漢靈帝建寧四年於敖城西北

壘石爲門以退渠口謂之石門東晉疆域志曰地形志

榮陽有石門城水經注引戴延之西征遣參軍趙蕃破

翟遼於懷縣遼宵遁序退次洛陽留鷹揚將軍朱黨戍

石門序仍使子略督護洛城趙蕃爲助序還襄陽會稽

王道子以序勝負相補不加褒貶其後東羌校尉竇衝欲入漢川安定人皇甫釗京兆人周勳等謀納之梁州刺史周瓊失巴西三郡眾寡力弱告急於序序遣將軍皇甫貞率眾赴之衝據長安東釗勳散走序以老病累表解職不許詔斷表遂輒去任數旬歸罪廷尉詔原不問太元十八年卒贈左將軍散騎常侍

案序子諶益州刺史諶子修之

宋南昌縣侯崇憲太僕金紫光祿大夫見宋書朱修之傳

史臣曰晉氏淪喪播遷江表內難荐臻外虞不息經略之道是所未弘將帥之功無聞焉爾遼豹宣肩服勤於太興之間毛鄧劉朱馳驚乎咸和之後雖人不逮古亦

足列於當世焉

贊曰氣分淮海災流漣澗覆類玄虬興微鴻雁鼓鞀在
聽兔冒有作赳赳羣英勤茲王略

晉書斟注卷八十一